



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorum

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicorum, 1607

S. Tycho Episcopvs Amathvntinvs In Cypro.

urn:nbn:de:hbz:466:1-43013

simul beata morte perfunguntur. Illorum
celebritas agitur Constantinopoli in cœ-
nobio Maximini, vbi sancti illorum cine-
res repositi seruantur, vnde ægri multi salu-
tem velut è fontibus hauriunt.

ANNOTATIONES.

HAc arte vestium plures euasere virgines. Lau-
dat S. Ambrosius virginem Alexandrinam (ita
legendum pro Antiochena, hæc enim Theodora
fuisse creditur) quam celebrant Fasti Latini 28. A-
prilis. Sed hæc Antonina planè diuersa est ab illa
Theodora: vti & illa Corinthiaca Hippolyti. *Cum*
enim, inquit Baronius de hac Antonina, 3. Maij
frequenter Christiana fœmina ad prostibulum dam-
narentur, sapius similis casus potuit accidisse. Porro
eiusmodi fallaciæ artem eludendi custodes, muta-
tione habitus, primæ omniū suo exemplo docue-
runt fœminæ Lacedæmoniorum, quæ ijsdem tech-
nis maritos suos à nece subdlexerant, seipsas loco
illorum tradentes. Val. Max. lib. 4. cap. 6. De amo-
re coniugali.

16. Iunii,

I.

S. TYCHO EPISCOPVS
AMATHVNTINVS IN
CYPRO.

HAbuit hic pios & religiosos parentes,
à quibus Deo dedicatus literaturæ sa-
cæroperam dedit, in quarum meditatione
assiduè

Q

assiduè

assiduè versatus, sacrorum oraculorum le-
 ctor ad populum est designatus. Deinde
 propter singularem vitæ honestatem, pu-
 ritatemque & morum inculpatam sancti-
 moniam à Mnemonio Amathuntis ponti-
 fice Diaconus creatur, ipsoque vita dece-
 dente, ad gradum pontificatus à magno
 Epiphanio euehitur, qui vbi multos à vana
 & stulta idolorum superstitione ad veram
 in Christo religionem conuertit, fana Deo-
 rum euertit, sacra templa Deo excitauit,
 ornauit, initiauit, ad Dominum est transla-
 tus. Miracula cum in vita compluria, tum
 post mortem ab eo facta: ex quibus exem-
 pli causa vnum alterumue, vnde viri virtus
 eximia appareat, recensebo. Admodum
 puer adhuc à patre panes acceperat (nam
 artopola erat) quos in foro venderet. Sed
 puer omnes, in egentes distribuit. Quod
 vbi pater rescit, indignam rem arbitra-
 tus, grauibus puerum conuitiis est insecta-
 tus; qui dixit se Deo panes dedisse mutu-
 os, & mox recepturum, eiusque rei se syn-
 grapham habere. Et ecce dictum factum:
 granaria quippe mox frumento pleniora
 sunt reperta, quam tum erant, cum pater
 horrea post collectam messem implerat,
 nec inde quicquam adhuc esset depromptum.
 Sed

Sed hoc miraculū aliquam habet com- 2.
 parationem, quod & ab aliis idem factura-
 tum legatur, & beneficentiæ liberalitas ex
 Dei munificentiâ proficiscatur, qui mensu-
 ram augeat cumuletque effusè. Illud autē
 peculiariter Tychonis laudem comendat
 & causam, quod huic singulare est. Ari-
 dum vitis surculum humi depanxerat, qui
 statim radices egit, dein etiam * ante tem- * 3.
 pus germinavit maturuitque: Nam ubi sexta
 decima Iunii, quæ dies huic sacra est, ma-
 turi botri reperiuntur? Hic autem palmes
 intra breuissimum tempus maturos pro-
 creans fructus inchoante re diuina, & psal-
 morum cantu, uvas ostentat iam liuentes
 & coloratas: finito sacrificio coctas iam &
 maturas, & ad gustum gratissimas ad Dei
 Patris & Filii, & Spiritus sancti laudem &
 gloriam exhibet.

ANNOTATIO.

Latini Græciq̄ue Fasti hunc Tychonem prædi- 1.
 cant:

Quod de frumento narratur, multis id sæpius 2.
 euenisse rectè dicitur. Nam D. Geogrorgius lib. 1.
 dial. c. 9. huic prorsus geminum refert de Sancto
 Bonifacio adhuc puero. Laudatur ab eodem S. Be-
 nedictus lib. 2. c. 21. & 28. & 29. Lege Iulium Ful-
 cum de elemosyna,

Q 2

Ita

3. Ita à Hieronymo Enifero in actis S. Bennonis, qui hodie Monachii metropoli Bauariæ ingentibus fulget miraculis, refertur, fata quæ viuis quoddam Benno tranfierat, multo ante tempus maturuisse.

17. Iunii.
Martyrol.
eod. die.

S. BESARION ANACHORETA.

Hic in prima pueritia, abdicatis rebus humanis Scetanam eremum ingressus, ad tantam promouit exercitatione virtutem abstinentiæ & egestatis, vt ritu alitum, aut piscium, animantiumne, sine vlla rerum præsentium curâ, totum vitæ cursum transigeret; non tectum quærebat, nõ vllò desiderio loci certi, non appetitu cibi tangebatur, non cellarum vsum, non librorum sarcinas amabat, sed ab omni prorsus affectu expeditus, spe rerum futurarum pascebatur, & fidei propugnaculo tutus perdurabat, & tamquam captiuus, modo hic, modo illic, in frigore & nuditate manebat. sole adustus sub dio assiduè stabat, in præruptis solitudinum, velut erro quidam hærebat. In sabulosâ terrâ, sæpe prorsusq; inhabitabili, perinde ac si pelago iactaretur, patientiam exercebat. Totus quadraginta dies & noctes in rhamno quodâ spinosoq;